

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj : 32 0 St 454804 23 St
Tuzla, 18.12.2023. godine

Općinski sud u Tuzli, stečajni sudija Vedran Milašinović, u postupku predhodnog ispitivanja prijedloga za otvaranje stečajnog postupka nad dužnikom „GENIO“ d.o.o. za export-import, proizvodnju i prodaju Gradačac, Ledenice Donje bb, koga zastupa punomoćnik Semir Nezić advokat iz Gradačca, dana 18.12.2023. godine donio je slijedeće,

RJEŠENJE

POKREĆE SE PRETHODNI POSTUPAK radi utvrđivanja uslova za otvaranje stečajnog postupka nad imovinom privrednog društva „GENIO“ d.o.o. za export-import, proizvodnju i prodaju Gradačac, Ledenice Donje bb.

Za privremenog stečajnog upravnika imenuje se Kenan Ibrahimović iz Brčkog, ul. Zaima Mušanovića 28, Distrikt Brčko.

Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 63. Zakona o stečaju, a naročito:

- obezbijediti imovinu dužnika i starati se o istoj,
- ima ovlaštenja da uđe u poslovne prostorije dužnik i provede neophodne radnje,
- utvrditi da li postoji razlog za otvaranje stečajnog postupka,
- ispitati da li će imovina stečajnog dužnika pokriti troškove stečajnog postupka,
- utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka i
- uraditi kontrolu poslovanja stečajnog dužnika.
- kada je podnosilac prijedloga za otvaranje stečajnog postupka stečajni dužnik, dostaviti izjašnjenje da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.

Privremeni stečajni upravnik dužan je podnijeti svoj pismeni izvještaj ovom sudu u roku od 30 dana od dana donošenja ovog rješenja u kome će izvijestiti ovaj sud o preduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje bilo kakvi izgledi za nastavak daljeg poslovanja dužnika.

Mjere pojedinačnog prinudnog izvršenja pokrenute protiv stečajnog dužnika se obustavljaju, izlučna i razlučna prava povjerioci ne mogu ostvariti u predhodnom postupku, stečajni dužnik ne može raspolagati budućom stečajnom masom bez saglasnosti privremenog stečajnog upravnika i suda, a sve to u cilju osiguranja buduće stečajne mase.

Rješenje će biti objavljeno u „Službenim novinama F BiH“, web stranici Općinskog suda u Tuzli i na Internet stranici FIA-e, te se pozivaju povjerioci da privremenom stečajnom upravniku bez

odlaganja dostave prijedlog mjera osiguranja na predmetima stečajnog dužnika koje će eventualno zahtijevati.

Ovo rješenje će se dostaviti Odjeljenju registra ovog Suda, Zemljišno-knjižnom uredu Općinskog suda u Gradačcu i Službi za geodetske i imovinsko-pravne poslove Grada Gradačca, radi upisa zabilježbe otvaranja prethodnog postupka.

Obrazloženje

„GENIO“ d.o.o. za export-import, proizvodnju i prodaju Gradačac, Ledenice Donje bb, kao dužnik podnio je dana 31.10.2023. godine ovom sudu prijedlog za otvaranje stečajnog postupka nad ovim privrednim društvom, zbog platežne nesposobnosti stečajnog dužnika.

Stečajni sudija nakon što je utvrdio da je prijedlog za pokretanje stečajnog postupka podnesen od strane ovlaštenog predlagача u smislu odredbe člana 58. stav 1. i 2. Zakona o stečaju („Sl. novine F BiH“, br.53/2021. u daljem tekstu Zakon o stečaju) i da je isti dopušten, dana 29.11.2023. godine, naložio je predlagачu da uplati novčana sredstva na ime predujma finansiranja troškova prethodnog postupka radi utvrđivanja uslova otvaranja stečajnog postupka.

Predlagач „GENIO“ d.o.o. za export-import, proizvodnju i prodaju Gradačac, Ledenice Donje bb, je dana 15.12.2023. godine dostavio sudu dokaz o uplati predujmljenih sredstava za finansiranje prethodnog postupka u iznosu od 4.500,00 KM.

Na osnovu priložene dokumentacije i to: aktuelni izvod iz sudskog registra od 27.10.2023. godine, izvod br: 21 iz Unicredit banke od 28.10.2023. godine, izvod br: 8 iz Unicredit banke od 21.03.2023. godine, uvjerenje PU F BiH KPU Tuzla, porezna ispostava Gradačac od 27.10.2023. godine, bruto bilans-analitika za društvo bez datuma, nalog za plaćanje poreznih obaveza PU F BiH, PI Gradačac od 11.10.2023. godine i uplate predujma od 4.500,00 KM, predlagач je učinio vjerovatnim platežnu nesposobnost.

Na ročištu za saslušanje stečajnog dužnika održanog dana 29.11.2023. godine, punomoćnik dužnika je izjavio da društvo faktički nakon osnivanja nije ni započelo sa obavljanjem planirane djelatnosti s obzirom na situaciju na globalnom nivou. Platežna nesposobnost je nastupila dana 27.10.2023. godine od kada na računu društva nema novčanih sredstava iz kojih bi se mogle izmiriti dospjele obaveze, a koje su navedene u prijedlogu. Navodi da račun društva još uvijek nije blokiran s tim da u spis suda prilaže nalog za plaćanje poreznih obaveza PU F BiH, PI Gradačac od 11.10.2023. godine te se očekuje da će u najskorije vrijeme račun društva po ovom osnovu i biti blokiran. Društvo od imovine ima kancelarijski namještaj i drvenu sirovinu, koja je međutim specifična s obzirom da je nabavljena za izgradnju montažnih kuća, te se s obzirom na dimenzije iste ne može koristiti za neke druge svrhe (npr. pri proizvodnji namještaja) tako da je upitna mogućnost unovčenja iste, odnosno tržišna vrijednost tih sirovina (vjerovatno bi se jedino mogla prodati kao ogrevno drvo). Od osnivanja do danas samo je sa direktorom zaključen ugovor o radu i isti je prijavljen kod poreznog organa, a u radni odnos kod dužnika nije stupilo ni jedno drugo lice. Društvo ima dospjele neizmirene porezne obaveze, obaveze prema zakupodavcu, dobavljaču i na ime knjigovodstvenih usluga.

Iz svega navedenog proizilazi da društvo nije u mogućnosti izvršavati svoje dospjele obaveze od momenta dospijea u neprekidnom trajanju dužem od 60 dana od dana nastanka obaveze. Konačno stanje u pogledu eventualno drugih obaveza bi se moglo utvrditi u slučaju određivanja privremenog stečajnog upravnika koji bi sudu dostavio izvještaj o poslovnom stanju kod predlagача sa izjašnjenjem o uslovima za otvaranje stečaja.

Na osnovu podnesene dokumentacije i zakonskog zastupnika stečajnog dužnika, sud nije u mogućnosti da sam procijeni postojanje svih neophodnih uslova koje Zakon predviđa za otvaranje stečajnog postupka, te se donosi rješenje o pokretanju prethodnog postupka radi utvrđivanja uslova za otvaranje stečajnog postupka nad dužnikom, temeljem odredbe člana 61. stav 1. Zakona o stečaju.

Odluka iz stava 3. ovog rješenja donesena je temeljem odredbe člana 63. Zakona o stečaju, a nakon što je utvrđeno da privremeni stečajni upravnik ispunjava uslove za imenovanje utvrđene odredbom člana 71. Zakona o stečaju.

Na osnovu navedenog, temeljem citiranih odredbi zakona, sud je odlučio kao u izreci rješenja.

Stečajni sudija
Vedran Milašinović

POUKA O PRAVNOM LIJEKU: Protiv ovog rješenja dozvoljena je žalba u roku od 8 (osam) dana, računajući od dana objavljivanja. Žalbu mogu uložiti stečajni dužnik i privremeni stečajni upravnik. Žalba se podnosi Kantonalnom sudu putem ovog Suda.